

Peqquserlulluni iluanaarniartarneq akiorniarlugu politikki

1. Aallaqqaasiut

Royal Arctic Linep peqquserlulluni iluanaarniarnerit suulluunniit akuerinngilai, tassunga ilanngullugit akiliilluni peqquserlutsitsineq akiliillunilu aqilisaaneq. Peqquserluttoqarneranut akuusoqarneranik pasillerneqarniinnarluunniit ingerlatseqatigiiffimmut annertuupilussuarnik kinguneqartitsisinnaavoq. Taamaammat piaaraluni peqquserluttuliornermut peqataanerup kingunerisassaata sulisunit ilisimaneqarnissaat, kiisalu peqquserluttuliornermut nalilerneqarsinnaasunut imaluunniit peqquserluttuliornermut pasillertoqalerneranut piaarinaatsoornikkut ilanngussaanginnissamut ilitsersorneqarsimanissaat pingaaruteqarpoq.

2. Siunertaa

Ingerlatseqatigiiffiup peqquserlulluni iluanaarniartarneq akiorniarlugu nunat tamalaat akornanni isumaqatigiissutaasunik ukkataqarnissaa malinninnissaalu politikki aqqutugalugu qulakkeerneqassaaq.

Royal Arctic Line innarligassaanginneq, tatiginassuseq ammasumillu periuseqarneq pillugit tunngavissat tunngavialugit suliffeqarfimmik ingerlatsivoq. Aalajangiussavut illersorsinnaavagut sunillu iliornerluta sunalu pissutigalugu taamaaliornerluta oqaluttuarissallugu ajoriffissaqartinnilarput, ingerlatseqatigiiffiup peqquserluttuliornermut akulerunneqanginnissaa pasillerneqanginnissaalu taamaaliornermut aamma qulakkeerniarneqassamat.

3. Politikki

Transparency Internationalip aamma Naalagaaffiit Peqatigiit peqquserlulluni iluanaarniartarnermik akiuiniarnermi inassutigisaat malippagut, aammalu toqqaannartumik toqqaannangikkaluartumilluunniit peqquserluttuliornermut suliffeqarfimmillu ingerlatsinermi akiliilluni peqquserlutsitsinermit naaggaarlunnarnissamik politikkeqarluta.

Inatsisiliorneq atuuttoq aamma Royal Arctic Linep iluani politikkit najoqqutassallu sulisunit tamanit malinneqassapput. Taamaattumillu ingerlatseqatigiiffimmi aqutsisut sulisullu peqquserluttuliornermik akiliillunilu peqquserlutsitsisarneq pinngitsoortinniarlugit tunngavissat sorliit iliuusissangortinneqarnissaannik ingerlaavartumik ilinniartinneqartarput. Royal Arctic Linep Peqquserlulluni iluanaarniartarneq akiorniarlugu politikkia suliffeqarfimmi ingerlatanut tamanut ingerlatseqatigiiffimullu tamarmut atuuppoq, ingerlatseqatigiiffiit tamakkiisumik ilaannakortumilluunniit pigineqartut ilanngullugit.

Akiliilluni peqquserlutsitsisarneq akiliillunilu aqilisaasarneq

Sulisut, sullitat pisiortorfigisartakkalluunniit suliassanik pissarsinissamut pigisaqaannarnissamulluunniit, suliffeqarfiup ingerlanneqarneranik iluaqutissarsinissamik aningaasatigut allatigulluunniit iluanaarutissanik, imaluunniit suliassanik ilaginnaanermut akissarsititsinissamik, neriorsuisoqarnissaa tunniussaartoqarnissaalu Royal Arctic Linep akuerinngilai. Taamaammat akiliilluni peqquserlutsitsisarnermut, akiliilluni aqilisaasarnermut imaluunniit paarlattuanik akiliteqarnissamik piunasaqaatinut (isertortumik akiliteqarnissamik isumaqatigiissutit ilanngullugit) piunasaqaatigineqartut suugaluartulluunniit akuerinngilagut, aamma akiliilluni peqquserlutsitsiniarnermik pasitsaasaqarnerit tamaasa qullersatsinnut nalunaarutigisussaavagut.

Immikkoortortaqaarfik: SESGC	Uannga naqqissorneqarpoq: RARI Akisussaasoq: AVLL Akuersisoq: VHA	Matumani versioni akuerineqarpoq: Juunip 7-iani 2023 Version: nr. 2
---------------------------------	---	---

Peqquserlulluni iluanaarniartarneq akiorniarlugu politikki

Tunissutit aqqissuussinerillu

Royal Arctic Linep sullitaminut, pisiortorfigisartakkaminut soqutigisaqaqatinullu allanut atassuteqarnini ammasumik periuseqarnissaq aamma arlaannaanulluunniit attuumassuteqannginnissaq pillugit tunngavissat tunngavigalugit isumagisarpaa. Taamaammat ingerlatseqatigiiffimmi sulisut tunissutinik tigusaqarneq ajorput tunissutinillu neqerooruteqarneq ajorlutik imaluunniit aningaasartuutitut arlaannulluunniit attuumassuteqartunut akiliisaratik, tamakku naliliisinnaassutsinnut imaluunniit niuernikkut ingerlanneqartut inernerisassaannut sunniuteqarsinnaappata.

Aaqqissuussinernut sulinermut tunngassuteqartunut peqataaneq angalanerlu namminneerluta akilertarpagut. Immikkut pisuni pisortaqtigiit immikkut ittumik akuersissuteqarsinnaapput. Tunissutissanik takussutissaannarnik tunniussaqaarlutalu tigusisarpugut, tunissutillu ilisarnaatitalit annertunngitsut eqqaassanngikkaanni tunissutit, nerisaqarnerit sammisallu pissarsiagut suliffeqarfiup iluani nalunaarsuinermut systemimut intranettimiittumut allattortarpagut. Tunissutit 300 koruunit/50 dollarsit inorlugit naleqartut taggineqartut nalunaarsuisussaataitanermut ilaatinneqanngillat.

Soqutigisanik aporaattoornerit qanitanillu salluutitsineq

Inuiaqatigiinni kalaallini ikittunnguusuni soqutigisanik aporaattoqarsinnaaneranut periarfissaqarnera ilisimavarpup. Taamaattumillu niuernikkut aalajangiinerit tamarmik unneqqarissumik kinaassusersiunngitsumillu tunngaveqarluta ingerlanneqarnerat uppersarsartarparput, aammalu atorfilittut atorfinitsitsinerit tamarmik tunngavissat kinaassusersiunngitsut atorlugit atorfinitsitsiniarnermi ataatsimiititaliaq arlalinnik ilaasortaartoq siunertamullu pilersinneqartoq atorlugu atorfinitsitsisarpugut.

Ajunngitsuliorneq tapersersuillunilu tapiissuteqarnerit

Royal Arctic Linep tunissuteqarnikkut tapersersuillunilu tapiissuteqarnikkut nunatsinni najukkami inuiaqatigiinnut tapersersuisarnini tulluusimaarutigaa, taakku tunngavissat kinaassusersiunngitsut tunngavigalugit tunniunneqartarput ingerlatseqatigiiffiullu nittartagaatigut tamanit atuarneqarsinnaallutik. Royal Arctic Line politikikkut partiinut tunissuteqarneq ajorpoq.

Pisiortorfigisartakkat

Nioqqutinik sullissinernillu pisiortornermut atatillugu Royal Arctic Line piumasaqaateqartarpoq pisiortorfigisartakkatta suliffeqarfiutiminni peqquserlulluni iluanaarniartarnermik pimoorussillutik aamma akiuiniarnissaat qulakkeerumallugu. Taamaammat pisiortorfigisartakkat aarlerinarsinnaasut qinnuigisarpagut Royal Arctic Linep pisiortornermut piumasaqaatai atsioqqullugit aammalu Naalagaaffiit Peqatigiit peqquserlulluni iluanaarniartarnermik akiuiniarnermut isumaqatigiissutaata malinnissaannut pisussaaffileqqullugit.

Peqquserluttuliorneq soorasaarillunilu akilersuisitsineq

Silarsuatta digitalinngoraluttuinnarnerata ilutigisaanik atassuteqaatit digitaliusut aqqutigalugit peqquserluttuliorfigineqarnissaq soorasaaralunilu akilersuisinniarneqarnissaq aarlerinarsiartuinnassapput. Peqquserluttuliornerup soorasaaralunilu akilersuisitsinerit atassuteqaatit tigussaasut aqqutigalugit suli pisarnerat ukkatarinnassallugu pingaaruteqarpoq.

Immikkoortortaqarfik: SESGC	Uannga naqqissorneqarpoq: RARI Akisussaasoq: AVLL Akuersisoq: VHA	Matumani versioni akuerineqarpoq: Juunip 7-iani 2023 Version: nr. 2
--------------------------------	---	---

Peqquserlulluni iluanaarniartarneq akiorniarlugu politikki

Ingerlatseqatigiiffik "IT-awareness" pillugu ingerlaavartumik ilinniartitsisarpoq. Aarlerinaateqarsinnaasut ajoqusiinnginnerini sulisunit paasineqarsinnaanissaannut, kiisalu sulisut internettimik IT-mullu systeminik illersorneqarsinnaasumik atuinissaannut tamanna iluaqutaasussaavoq.

Sulisutut peqquserluttuliorfigitinnerluni imaluunniit peqquserluttuliorfiginiarneqarsimanerluni imaluunniit sioorasaaraluni akilersuisinniarneqarsimanerluni nalornissutigineqarpat, tamanna qullersarisamut qaninnermut pisortaqatigiinnulluunniit erngertumik nalunaarutigineqassaaq. Tuaviuussinnermut taarsiullugu eqqortumik aalajangiinissamut piffissamik atueqqilaarneq pillugu isornartorsiuisoqarnaviangilaq.

Allap piinik imminut paarititanik peqquserluuteqarneq

Royal Arctic Line sulisoqarpoq tatigisaallutik atorfeqartitaasunik, taakkulu ingerlatseqatigiiffimmi aningaasaatinut tunngatillugu immikkut ittumik qanoq iliorsinnaatitaapput. Tamannalu ingerlatseqatigiiffimmit eqqumaffigineqarpoq aningasatigullu peqquserluttuliorqarsinnaanerata aarlerinaateqarnera qanorlu iliuuseqarfigineqarsinnaanera peqquserlulluni iluanaarniartarneq akiorniarlugu ilinniartitsinnermut ilaatinneqarpoq. Nammineq pissarsiaqaatiginiarlugu aningaasanik paarititanik atornerluisoqarnera imminut paarititanik peqquserluuteqarnertut nalilerneqarsinnaavoq.

Unioqqutitsineq

Sulisut kaammattorneqassapput unioqqutitsisoqarneranik nalunaaruteqaqqullugit aqutsisuminnut qaninnermut, Sulisoqarnermut immikkoortortaqaqfimmu/Inuttalersuinnermut immikkoortortaqaqfimmu imaluunniit pisortaqatigiinnut toqqaannartumik. Aammattaaq unioqqutitsinerit ingerlatseqatigiiffiup pasinapiluttoqarneranik kalerriisoqarsinnaatitsinera aqutugalugu nalunaarutigineqarsinnaapput, taanna ingerlatseqatigiiffiup nittartagaani nassaarineqarsinnaavoq.

Matumani politikkimik unioqqutitsisoqarneranik pasilliutit ingerlatseqatigiiffimmit pimoorunneqartarput. Taamatut pasilliteqartoqarnera erngertumik misissuiffigineqassaaq Nunatsinnilu inatsisit atuuttut malillugit suliarineqassalluni.

4. Atsiorneq

Akuerineqarpoq

Ulloq Siulersuisunut siulittaasoq

Ulloq Pisortaaneq

5. Najoqqutarisq

International Transparency Greenland: <https://www.transparency.org>

Immikkoortortaqaqfik: SESGC	Uannga naqqissorneqarpoq: RARI Akisussaasoq: AVLL Akuersisoq: VHA	Matumani versioni akuerineqarpoq: Juunip 7-iani 2023 Version: nr. 2
--------------------------------	---	---